



Inatsisartuni ilaasortaq Peter Olsen, IA

**Nunami maani umiarsuup naalagaatut / skibsfører-itut ilinniarnermik piler-sitsinissaq pillugu – § 37 naapertorlugu apeqqummut akissut**

08-07-2024  
Sagsnr. 2024 - 1595  
Akt nr. 24112932  
Postboks 1029  
3900 Nuuk  
Tlf: +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

Asasara Peter Olsen

Qujanaq apeqquteqaatinnut, Inatsisartut suleriaasianni aalajangersakkat naapertorlugit saqqummiussannut. Taakkua uani ataani akissuteqarfigissavakka.

*Apeqqu 1:*

**Savalimmiuni umiarsuit naalagaattut ilinniarfimmumt assingusumik nunatsinni umiarsuit naalagaattut ilinniarsinnaanermik Naalakkersuisut pilersaaruteqarnerpat?**

Akissut:

Siullertut pingaarnertullu Naalakkersuisut ilinniartitaanerni politikkimi kissaatigaat imarsionnermi suliffinni pisariaqartitsinerit ilinniarsimasunik nunatsinneer-sunik sulisus-sanik pilersorneqarnissaa.

Naalakkersuisut kissaatigaat Imarsionnermik Ilinniarsiup avatangiisaasa pitsaane-rulersinneqarlutillu aaqqissuuteqqinneqarnissaat, aammalu maanna imarsior-nermik ilinniartitaa-nerup nutarterneqarnissaa.

Naak aalisariutini naalakkat - fiskeskipper af 1. grad - tunngaviusumik pisin-naatitsigaluartoq aalisariutininik angissusii apeqqutaatinnagit ingerlanneqar-sinnaanissaannut, ilinniagaq taanna amerlanertigut naammattunik piginnaa-

niliisannigilaq kilisaassuarni angisuuni aquttarfimmi naalagaanissamut. Umiarsuup naalagaatut / skibsfører-itut ilinniarsimasut – fiskeskipper 1. grad-inut sanilliullugit – kilisaatini naalagassatut umiarsuaateqarfiit piumanerusarpaat. Pissusiviusut tassaapput savalimmiormiut angallatini naalagassanik ilinniartitsisarnerat salliummat, uagullu maanna nunatsinni aalisariutini naalagassanik – fiskeskipper af 1. grad kiisalu sætteskipperinik ikittunik ilinniartitsisartugut.

Kisitsisit nutaanninnerulaartut - piffissamit 2000 - 2018-imeersut - takutippaat uagut maani nunatsinni imatut amerlassusilinnik ilinniartitsisimasugut ukiut 18-it iluanni: 34 kystskipperit 34-it, sætteskipperit 17-it, fiskeskipperit 3. grad 48-ut kiisalu fiskeskipperit 1. grad 33-it.

Sanilliunneqassapput kisitsisit Savalimmiuneersut, - piffissami 2015 - 2018 - imaattunik ersersitsisut:

Angallatit naalagaat 78-it (kalaallit fiskeskipperit 1. grad-it qaffaseqataat) kiisalu 116 angallatit naalagaat - skibsførerit 116-it – tassalu malugeqquneqarpoq ilinniartitsinerit pineqartut ukiut sisamaannaat iluanni ingerlanneqarsimaneri. Paasissutissat uanngaaneerput: Kalaallinik aqumiusanik ilinniartitsinerit nukittorsarneqarnissaat: Tommy Petersen aamma Jákup Emil Hansen 2019.

Piffissami matumani ilinniarfimmi online-iusumik atuartitsisoqartarpoq Marstal Navigationsskole suleqatigalugu, siunnerfigalugu ilinniagaqartunik piareersartitsisarneq umiarsuarni naalagassatut skibsfører-itut ilinniagaqalersinnaanermut ikaarsaarsinnaaneq – imaluunniit umiarsuup naalagaatut online-ikkut skibsfører-itut ilinniarneq. Anguniagaavoq suleqatigiinnermit tamatumingga misilittakkat aamma atorneqarsinnaalernissaat nunatsinni namminermit umiarsuarnut naalagassanik ilinniagaqartoqartalernissaanut.

Taamaammat Naalakkersuisut skibsfører-itut ilinniartitaanerup nunatsinni pilersinneqarnissaanut aallarneereerput.

Naalakkersuisut imarsiornermik ilinniartitaanerit ullutsinnut naleqqussagaasunik periusissiaanni qitiutinneqarput avatangiisit imarsiornermik ilinniarfimmi ullutsinnut naleqqussagaasut, tunngaviusinnaasunik ullutsinnut naleqqussagaasunik imarsiornermik ilinniartitaanerit, tassanilu ilaassallutik tunngaviusumik ingerlatsineq, angallatini naalagassanik ilinniartitaanerit, angallatinik ingerlatsisuusinnaanermik ilinniartitsinerit aamma imarsiornermut attuumassuteqartunik ilinniartitsinerit allat. Ilinniarfimmi nutaami periarfissaqassaaq imarsiortut ilinniaqqissinnaanerannut, tamatumani pineqarsimappata tuluit oqaasii imarsiortunut sammisut imaluunniit teknikkimut tunngasutigut naleqquttunik ilinniartitaanerit.

Uanga suliassaqarfimmut Naalakkersuisutut Imarsiornermik Ilinniarfiup siulersuisui qinnuigisimavakka pilersaarusoqqullugit ilinniarfimmut avatangiisinik nutaanik pilersitsinissamut tunngaviussusanik, pilersaarusiarlu tingoreerpara. Tamanna pissaaq siunnerfigalugu pilersaarusiap ingerlateqqinnissaa aningaa-sartuutissanullu missingersuusiornissaq, suliniut piviusunngortinneqarsinnaaqullugu.

Sulissutigineqassaarlu amerlanerujussuit imarsiornermi sammivinnut ilinniagaqartalernissaat, kivitseqataasussanik ineriartortitseqataasusanillu nutaaliaasumik aalisarnermi imarsiornermillu suliffinnut ilinniakkat kivitsivigineqarnissaannut.

Suleqatigiissitamik pilersitsisoqassaaq eqqaaneqareersutut ullutsinnut nalequttunik imarsiornermi ilinniartitaanernik aaqqissuussisoqarnissaanut, nunanut allanut nallersuus-sinnaasunik, aalisarnermik imarsiornermillu pingaarnertut inuussutissarsiuteqartuusunut. Naalakkersuisut siunnerfigaat isumassarsiorfiusussanik Savalimmiunut aamma Norge-mut tikeraarnissat, maanna imarsiornermik ilinniartitaanerit piusut nutarterneqarnissaannut atatillugu.

Taamaattumik umiartornermut ilinniarnertit nutarternerinut qanoq ilusilimmik tunngavilerneqassanersut Naalakkersuisut maannakkut isummerfigisinnaangilaat.

*Apeqqut 2:*

**Savalimmiuni umiarsuit naalagaattut ilinniarfimmut assingusumik nuna-tsinni umiarsuit naalagaattut ilinniarsinnaanermik pilersitsoqassagaluarpas tamanna nunatta karsianut qanoq naleqarsinnaanersoq Naalakkersuisut naatsorsorsinnaanerpaat?**

Akissut:

Soorlu apeqqut 1-imut akissummi oqaatigineqareersoq imarsiornermi ilinniartitaanerit nutarternerini iluseq sorleq tunngaviussanersoq Naalakkersuisut qulaajaqqaassagaat.

Taamaattumik maannakkut savalimmiormiut umiarsuup naalagassaatut skibsfører-itut ilinniartitsisarnerannut naleqquttumik imaluunniit allanik naleqquttunik, nunatsinni maligassiuuinnaasunik pilersitsisinnaanernut naatsor-

suinernik aningaasartuutissanillu Naalakkersuisut takutitaqarsinnaanngikkal-  
larput.

Soorlu apeqqummut 1-imut akissummi aamma oqaatigineqareersoq,  
ilinniartitaanerit nutarterneqarnissaannut, umiarsuullu naalagaatut skibsfører-  
itut - nunat allat misilittagaqarnerit ilinniartitsisarnerisa qaffaseqataanik -  
ilinniartitsisalernermik nunatsinni pilersitsinissamut aningaasartuutissat  
suleqatigiissitap sulissutigalugillu isumagiumaaraai.

*Apeqqu 3:*

**Naalakkersuisut allamik oqaasissaqarnerpat?**

Akissut:

Nunami maani umiarsuup naalagassaatut skibsfører-itut ilinniartitsinerup  
atuutilersinneqarnissaanut pilersinneqarnissaanullu tunngatillugu apeqqutinnut  
Naalakkersuisut allamik oqaasissaqanngillat.

Med venlig hilsen

Aqqaluaq B. Egede